



# Møtebok for Vestre Slidre fjellstyre

Arkiv nr:

Sak nr 36/2021

Møtedato: 24.11.21

Møtestad: Slidre

Saksbehandlar: Kenneth Monsen

## S737 og S795, Murkelie - Utvising av tilleggsjord med utviding og samanslåing

I sak 27/21 gjorde fjellstyret vedtak om å tildele stølsjordet S737 til G/Bnr 79/3 tilhøyrande Knut Arild Thon.

No i ettertid ser Knut Arild Thon at det vil vere rasjonelt å utvide med noko meir tilleggsareal for å kunne få ein god arrondering med dei to stølsjordene S737 og S795. Planen er å dyrke dette opp til eitt samanhengande jorde då dette gjev enklare drift.

Søknaden gjeld følgjande tilleggsjord som er merka med raudt:



G/Bnr 79/3 har følgjande nøkkeltal på gårdsbruket:

Hovedeiendom	Grunneiendommer	Fulldyrket	Overflatedyrket	Innmarksbeite	Skogareal	Annet areal	Ikke klassifisert	Total
3452-79/3/0	3452-79/10/0	0	0	0	160.9	25.5	0	186.3
	⊕ 3452-79/3/0	52.7	0	1.3	108.2	15.3	0	177.5
	⊕ 3452-94/1/781	14.4	12.6	0	0	1	0	28
	3452-94/1/794	6	0	0	0	2.1	0	8.1
	3452-94/1/795	18.7	0	0	1.9	1.1	0	21.7
Sum		91.7	12.6	1.3	271	45	0	421.6

Areal tall i dekar

I tillegg kjem S737 som enno ikkje er registrert på garden som utgjer 22 daa fulldyrka areal. Dei driv aktivt med mjølkekyr, så det er drift på garden.

Det er mest aktuelt å vise dette ut som tilleggsjord etter § 20 i stølsforskrift:

### § 20. Utvising av tilleggsjord og sakshandsaming

Jordbrukar med beiterett i statsallmenningen kan - anten åleine eller saman med andre beiterettshavarar - få utvist grunn som er skikka til dyrking eller til kulturbeite som tilleggsjord, jf. § 19 første ledd i fjellova. Det er eit vilkår at dei som har beiterett godtgjer behovet for tilleggsjord. Dette kan til dømes gjerast ved å leggje fram ein driftsplan. Søknad om utvising av tilleggsjord skal sendast fjellstyret. Fjellstyret skal leggje saka fram for kommunen, Statskog SF og eventuelt allmenningsstyret og områdestyret i reinbeiteområde etter reindriftslova, for fråsegn.

Kommunen handsamar og avgjer søknaden etter gjeldande forskrift om nydyrking i dei tilfelle der søknaden omfattar fulldyrking eller overflatedyrking etter forskrifta. Gjeld søknaden kultivering, og eventuelt inngjerding til beitebruk, skal kommunen gi fråsegn om dei tilhøva som er nemnda i § 5 i forskrifta om nydyrking.

Fjellstyret gjer vedtak om utvising av tilleggsjord til jordbrukar med beiterett. Statskog SF skal ha melding om vedtaket.

*Statskog SF avgjer søknader om inngjerding av tilleggsjord etter tilråding frå fjellstyret, jf. § 5 fjerde ledd i forskrifta. Fjellstyret måler ut setervoll og dyrkingsjord eller kulturbeite som skal visast ut saman med eller leggast til seter. Fjellstyret skriv ut eit eige dokument til beiterettshavaren om utvisinga. Fjellstyret skal sende kopi av dette dokumentet til Statskog SF.*

Deler av arealet skal nydyrkast, og må derfor og behandlast etter nydyrkingsforskriften i kommunen. Fjellstyret sitt vedtak vil ha eit vilkår om at det må i ettertid godkjennast av kommunen før oppdyrking kan setjast i verk. Det vil og vere krav om ny oppføring av gjerde, som må godkjennast av Statskog. Det ville vere rasjonelt om Statskog ville gje uttale om dette ved høyring.

Bruksberettiga sine interesser:

Det er vurdert om denne auka av inngjerda areal vil kunne få negative verknader for andre bruksberettiga sine interesser i området. Særskilt med tanke på at den goto som er mellom jorda i dag vil kunne forsvinne. Ang goto vil det når det er same eigar på arealet ikkje vere like viktig med den goto som eksisterer der i dag. Det er areal til å kunne gå rundt på ein god måte, slik at dette burde vere greitt. Dette er imidlertid noko ein avventar eventuelle høyringsuttaler på.

Administrasjonen har vurdert arealet etter naturmangfald lova, med følgjande resultat:

Naturmangfald lova § 8-12

§ 8 (kunnskapsgrunnlaget)

Området er vurdert opp mot naturbasen til DN, og dessutan artskart. Det er ikkje vist nokon registreringar i database som er rekna som sårbar eller trua i umiddelbar nærleik til det aktuelle arealet. Ein ser på dei opphavlege kommunale registreringane som er supplerte med nyare registreringar på stølsjorder som godt nok avgjerdsgrunnlag.

§ 9 (føre-var-prinsippet)

Vi meiner at § 9 er oppfylte. Den sentrale ordlyden om at: «Finst ein risiko for alvorleg eller irreversibel skada på naturmangfaldet, skal ikkje mangel på kunnskap brukast som grunngiving for å utsetja eller la vere å treffa forvaltningstiltak» vurderer vi ikkje er aktuell i denne saka då det er klart at kunnskapen er god nok rundt naturverdiane av plan- og influensområdet til å seia at ein irreversibel skadde på naturmangfaldet ikkje vil skje som følge av tiltaket.

§ 10 (økosystemtilnærming og samla belastning)

Vi meiner at ordlyden om økosystemtilnærming får avgrensa bruk i denne saka. I forhold til samla belastning vil det vera aktuelt å vurderer om tiltak i aktuelt område vil medføre at vassdraget får ei større samla belastning.

§ 11 (kostnadene ved miljøforringelse skal berast av tiltakshavar)

Ikkje aktuelt med ytterlegare registreringar eller nye tiltak.

§ 12 (miljøforsvarlige teknikkar og driftsmetodar)

Ikkje aktuelt.

Som ein konklusjon legg fjellstyret til grunn at det ikkje er viktige artar eller naturtypar som blir vesentleg skadelidande som eit resultat av denne saka.


Generelt friluftsliv/Skiløype

Som flyfoto syner, er det ei etablert skiløype gjennom det området som no ynskjes inngjerda. Dette er ein del av hovudløypenettet til Vasetløypene, og er ein maskinpreppa løype med bredde på 7 meter.

Det er og viktig å hensynta den allmenne ferdsel i området, dette gjeld og skiløyper. Med det som bakgrunn finn administrasjonen å tilrå at det ikkje vert godkjent tilleggsjord nærare etablert skiløype enn 5 meter frå den etablerte skiløypa. Dette kan administrasjonen stikke ut i terrenget før det eventuelt vert sett opp gjerde.

Administrasjonen har prøvd å få ei klargjering frå kulturminnestyresmaktene samt kommunen ang befarig på barmark for å kunne fatte vedtak så snart som muleg. Det er ikkje komme svar ang dette, så dette vert uansett sendt på offentleg ettersyn, så ser ein om det kan fattas vedtak i vinter eller om det må til meir synfaring på barmark neste summer.

Med tilpassing til skiløypa, tilrår administrasjonen å legge følgjande kart ut på offentleg ettersyn med ei positiv innstilling til søknad om tilleggsjord.



**Framlegg til vedtak:**

Jfr § 20 i stølsforskriften om tilleggsjord, er fjellstyret positiv til å samanføye stølsjorde S737 og S795 til eit jorde med eit tillegg som framgår av ovenstående kart.

Det er ein føresetnad at andre bruksberettiga sine interesser ikkje vert negativt berørt i vesentleg grad, og at samla stølsjorde vil vere minst 5 meter frå etablert skiløype.

Saka vert lagt ut til offentleg ettersyn.

**Vedtak:**

Jfr § 20 i stølsforskriften om tilleggsjord, er fjellstyret positiv til å samanføye stølsjorde S737 og S795 til eit jorde med eit tillegg som framgår av ovenstående kart.

Det er ein føresetnad at andre bruksberettiga sine interesser ikkje vert negativt berørt i vesentleg grad, og at samla stølsjorde vil vere minst 5 meter frå etablert skiløype.

Saka vert lagt ut til offentleg ettersyn.

*Samrøystes vedteke*

Vestre Slidre fjellstyre den 25.11.2021

Kenneth Monsen  
sekretær

Utskrift: Stølsbrukar  
Statskog  
Vestre Slidre kommune